

MME UFỌN ERINYAÑA UKPỌN
Ŋwed Mbon Rome 5:1-21; 6:1-23.
ỌYỌHỌ UKPEP-ŊKPỌ 384
Eke Mkpawara

IKỌ IBUOT: “Edi Abasi otim ayarade ima eke amade nnyin, ke emi Christ akpade ke ibuot nnyin ke adaña emi nnyin isuk idide mme idiok owo kaña” (Ŋwed Mbon Rome 5:8).

Ubet Unim Ŋkpọ Abasi

Iren ye iban ke Ŋka Mkpawara, nte ema ekot ibuot ukpep-ŋkpọ emi? Nte etop emi Paul, owo-mbet ewetde ono mbon Rome enyene ufọn ọnọ fi, me ọsọsọn akaha? Yak iñwana ndikpep se Jesus ọdọhọde nnyin ke mme ikọ Esie.

Nnyin ikot ke Ŋwed mbon Rome ibuot ition afan iba ọdọhọ ete, “Nnyin ikasaña ke mbuotidem iduk ke itie mfọn eke nnyin idade ke esit”. Yak ikere ibaña nte iduride ọfọn ikpehe ifiak edem inyuñ isañade iduk ubet unim ŋkpọ, emi ọyọhọde ye ata eti eme (gold) ye uwak nti ŋkpọ. Nnyin imekeme ndida nte nnyin imekde. Nte afo akada ekpri akpasa me ediwak ikpọ mkpodooho man edidọn ŋkpọ eyọhọ? Yak nnyin iti ite “imenyene unen” ndiduk ufọk unim-ŋkpọ Abasi nnyin mbọ nti ŋkpọ nto enye.

Ndusuk owo ke ini mmọ ekade ke ŋkpọ itie eseme ndibọn akam, inyeneke udọn ndibọ Abasi ŋkpọ ke ntre, mmọ ebọ ata esisit ndusuk ibọhọbọ.

Akwa ima Esie

Mfọn Abasi edi akwa ima ye mfọn ke abaña owo. Owo ikanamke ŋkpọ baba kiet man enye okpodot ima Abasi, edi oto ke Christ, enye owut akwa ima Esie. Edieke owo ọkpọfiokde nte ima oro okponde, enye okpodomo ndinọ usuk ima oro. Edi Abasi otim ayarade ima eke amade nnyin adaña emi nnyin isuk idide mme idiok owo kaña idọhọke ete akayarade edi ọdọhọ ete ayarade, Abasi ke osuk owut akwa ima Esie. Christ akakpa ini kiet kpọt, ŋkpọ nte isua 2,000 emi ebeye onyuñ eset ke mkpa. Kpa mfin emi, oto ke mkpa ye eriset esie, kpukpru owo ekeme ndibọ erifen ke mme idiok-ŋkpọ. Ŋkpri nditọ ŋko emi ekemede ndifiok eti mme idiok, enyuñ efiokde ete mmimọ idi mme anam-idiok ekeme nditiene Jesus enyuñ ebọhọ ke idiok-ŋkpọ mmọ.

Ndikan Idiok-Ŋkpọ

Ke ini owo ama ekenyene erifen ke mme idiok-ŋkpọ esie enye enyene “ndikpeme nnyuñ mbọn akam” man enye okuyak ima Jesus ọkpọn esit esie emi ekotde mfiak-edem. Ke ntak oro ana nte nnyin ika ufọk unim ŋkpọ Abasi. Kpukpru ini, nsuhọre ŋkaha ini kiet ke usen man ibọ mfọn emi edinamde nnyin ikoñ ikan idiok-ŋkpọ ye satan. Didie ke idinam emi? Edidi ke ọkpọsọn akam ye ndikot Ŋwed Abasi. Nnyin ibeñe Enye ọnọ nnyin ukeme ndidọhọ idiok-ŋkpọ “ih ih” nnyuñ nyọhọ esit nnyin ye ima. Yak nnyin ineñere iyire ye nsin-ifik, ikutọnọ edọn ke ntọi-ŋkanika (minute) kiet me iba, edi yak ibọn akam tutu nnyin ikut ite Iyip Jesus ọfiọrọ ke ukpọn nnyin.

Ŋkpọkọbi Eme (Gold)

Owo emi ọbọhọde ke uwem idiok-ŋkpọ enyene emem ye Abasi nko enyene idaresit ye idorenyin ye ima ye ime ye mfọn-ido ye eti ido ye edinam akpanikọ ye mbuotidem ye mfọn. Yak ida ite kpukpru mme mfọn emi eyire ke ŋkpọkọbi eme emi ibuot kiet ọkọbọde nnyin ke esit ndien ibuot kiet eken ọkọbọ ke ebekpọ Abasi. Inaha kiet ke ebuana emi osibe edi ana nnyin ika iso imum ubọk ọsọn edieke nnyin iyomde emem nnyin osim akpatre. Edieke mbuotidem ọsọpde, ŋkpọkọbi emi eyesibe. Edieke nnyin ikpọnde ebuana ima emi, ŋkpọkọbi ima emi idiyọhọke. Ana nnyin ida ebuana ŋkpọkọbi emi kiet-kiet inam ata ebuana ye Abasi.

Nam ŋkpọkọbi fo ọsọn, koro ana enye obiom ndodobi mbiomo. Ediwak mkpọsọn ŋkpọ ekeme ndifina ukpọn fo man odomo ndibuñ ŋkpọkọbi oro. Edi utom satan ndinam fi etre ndibọn akam, ndien ŋkpọkọbi fo eyemem.

Nso idi ntak emi nnyin ikerede ite eda eme enam ŋkpọkọbi emi? Edi koro eme ọsọnde ada eti-eti. Nte owo kiet eketiñde, “Ata gold ibakke edeme ikañ.” Abasi ekeme ndinyime edomo kpukpru iso ŋkpọkọbi fo ese mme enye edi ata eme, midighe. Job ọkọdọhọ ete, “Enye odomo mi; nyewọrọ mbiet gold” (Job 23:10).

Ntak emi nditọ Hebrew ita ekeworode ke edeme ikañ edi utebe nsuñ-ikañ itebeke mmọ ke idem? Edi koro ikañ ikanke idem mbon oro (Daniel 3:27), ikobotke ikpohidem mmọ ke eme, edi ke akpanikọ esit mmọ akasana nte ata eme ndien Abasi ikayakke ikañ ata mmọ.

Ndiworọ Ufin Idiok-Ñkpọ

Nditọ Abasi inamke idiok-ñkpọ. Paul ọdọhọ nnyin ete edieke ibode erinyaña “ima ikpaña iworo ikpọñ idiok-ñkpọ”. Ekekọñ mme idiok-ñkpọ nnyin ke eto ke ini ekekọñde Jesus ke kros. Ke ini nnyin ibọñde akam ntọtuñọ-ntọtuñọ inọ Abasi ibaña edinam-asana, ini kiet efen Iyip Jesus otuk esit nnyin onyũñ abiat akani oruñ idiok-ñkpọ nnyin. Nte Jesus akakpade enyũñ enim Enye ke udi, kpa ntre ke ebiat enyũñ ewot akani oruñ idiok-ñkpọ nnyin ke edinam-asana. Owo emi enamde asana “ke akpanikọ, akpa ọworo ọkpọñ idiok-ñkpọ, onyũñ odu uwem ọnọ Abasi ke Christ Jesus Ọbọñ nnyin”. Uwem edinam-asana edi uwem emi minyeneke idiok-ñkpọ ye ubiom-ikpe ke esit idem ye ke ikpohidem, koro Christ edide Ete mmọ.

Ekpri Idiok-Ñkpọ Kiet

“Koro ñkpọ eyen utom idiok-ñkpọ edi mkpa, edi enọ Abasi edi nsinsi uwem ke Christ Jesus Ọbọñ nnyin” Mfin, idiok-ñkpọ ye idomo etọt eti-eti. Mme ñwed “ndise usak imam” emi ewakde ebe 90,000,000 edi se enyamde kpukpru ọfiọñ, edi ñwak-ñkan ibat edi se enyamde enọ ñkpri nditọ ye mkparawa. Ndusuk ñwed emi etimere ñkpri nditọ emi enọ ndiọi edu-uwem nte idiok itọñ ye uwot-owo.

“Ekpri idiok-ñkpọ kiet ada ediwak efen edi”. Akamba owo ufok-ñwed kiet etiñ ete ke isua esie edip ye ition nte ada usuñ ke ufok ñwed, akananam imọ ikwe ata ọñwọñ sika emi ekpedade nte etiñ akpanikọ. Ọkworo-iko emi okobupde nditọ emi ekebierede isop mkpa ke ufok-ñkpọkọbi enọ mmọ ọkọdọhọ ete, ke kpukpru nditọ oro ekedi mme ọñwọñ ikọñ ye mme ọñwọñ ọkpọsọñ mmin. Ekeme ndidi akpa idiok-ñkpọ mmọ ekedi nsọñibuot, ndien nsu, uñwọñ ikọñ nsioño nsuñ ikañ ke ini owo misehe mmọ. Anie owo ekpekere ete ñkpri ndiọi nkpọ ntem emi minamke owo idiok ke akpatre ekeme ndida owo ñketem ke ifum mkpa.

Ete J. Edgar Hoover, emi okodude ke akwa esop nduñore ukara ke America, ọkọdọhọ ete “Nnyin ikemeke nditre idiok uwem ke ndimia mme anam-idiok ido emi ufen. Ana nnyin ifiak ika ini uyen nnyin mbemiso nduk ini uyen ọtọñ. Idaha emi, ñwak nkan ibat mme anam otime edi mkparawa.

Ufọn Ukpep-Ñkpọ Ke Usen-Ọbọñ

Okposuk edi sika, mme ñwed ndise usak imam ye ndiọi nsaña edade owo eka idiok usuñ, Ukpep-ñkpọke Usen-Ọbọñ ada owo aka eti usuñ. Ediwak million nditọwọñ ke obio nnyin ebọ ata esisit, ndusuk ibọhọ ukpep-ñkpọ ito ikọ Abasi. Edieke afo edide akparawa eren mme ñwan emi akade Ukpep-ñkpọke Usen-Ọbọñ, afo enyene ndikọm Abasi ke utọ ifet oro, ọkọm andikpep emi añwanade ndiñwam fi nsio ke “utip idiok-ñkpọ”. Yak nnyin idomo ukeme ndikot mkparawa iren ye iban eken ndi ke Ukpep-ñkpọke Usen-Ọbọñ. Yak nnyin ikutre ndibọ utip mme abak Abasi, enọ Abasi emi edide “nsinsi uwem emi otode ke Christ Jesus Ọbọñ nnyin.

MME MBUME

1. Nso idi “utebe-ikpe”?
2. Nso ke ikọ emi “mfọn” ọworo?
3. Nso ke Abasi akanam ọnọ nnyin ndiwut akwa ima Esie?
4. Siak usuñ kiet emi nnyin ikemedede ndisio usiene ke ata ekpri usuñ?
5. Ewe ufañ ke ibuat itiokiet ekpep nnyin ete ke anditiene-Christ inamke idiok-ñkpọ?
6. Anam-idiok edi eyen-ufok anie?
7. Anie edi Ete ufok anditiene-Christ?
8. Domo utip idiok owo ye eke anditiene-Christ?
9. Nte odot ndinam ñkpọ nnọ Abasi? Nso idi ntak?
10. Ewe ufañ ke ibuat itiokiet ekpep nnyin abaña edinam-asana?